

四庫全書

集部

欽定四庫全書

兼濟堂文集卷十九

大學士魏裔介撰

五言律

園居即事

為園依堞雉蒼鬱亦羣山霞帶秋光淨雲收野鶴還移
花遮曲逕激水下松關酒史茶經外吾生聊復閒

其二

金史卷之九
卷十九
小築樂餘年此生聊可寄崇臺映赤霞芳沼蘿青蔓率
爾壺觴閒澹然丘壑致余非灌園人不廢於陵意

九日集撲園

萬古重陽日人生向此過愁催雙鬢短青入一園多遙
岫懸高雉平橋綴晚荷菊觴頻喚取遮莫醉顏酡

其二

移樽登小閣雲物晚來清烟外霜砧落霜前白鴈橫寒
山吞暮日流水匝孤城登眺悲今古長吟賴友生

戊子典試山西獲鹿道中過漢淮陰侯祠

望望行將夕孤城起暮烟沙深遲倦馬野濶響孤蟬鬼
哭韓侯廟雲崩背水川明朝九曲路叱馭莫延邇

其二

大漢承天運偉哉命世才土門赤幟出河朔陣雲開相
背豈君意假王是禍胎未央鐘室血憤懣有餘哀

其三

咄咄蒯通計豈知烈士行秘謀羞絳灌武略失良平漢



世無茅土中原幾戰爭拜瞻遺像肅古廟近荒城

其四

舍人書不載告變豈無欺赤族酬龍準扁舟媿子皮奇
兵吞趙魏古屋泣熊羆呂雉誠多詐空令漂母悲

井陘西瞻白面將軍祠而嘆之

漢軍輕轉戰天數豈能爭身死井陘口人傳白面名
山堆落日古木竄寒飈可恨左車子區區尚戀生

趙將也與

韓信戰死土人祀之無姓名

送友人南歸

山色猶如晉遊人欲向吳輕鰲浮淺渚高鳥下平蕪
澹秋雲沒荒荒白日祖亂峰戴古驛征馬正踟躕

送董良合罷歸

懷君非以祿歸去豈夷猶楚水春烟暖吳山翠色稠
歌詩空正始採藥問丹丘好息垂天翼扶搖萬里游

金魚池上

晴日遊芳沼凭欄歌有臺錦鱗冲小艇幽鳥弄疎槐
山

遠雲常沒堤平水自迴憂時空灑淚對酒欲停杯

榆庄

逐隊豈吾願尋幽事事嘉春寒蜂護蜜地僻鳥棲花落
日山粧靚孤村烟縷斜欵扉有野客白酒向鄰賒

霜露變歲云暮耳目所觸無非淒切音容之遺每
形夢寐枕上率成不覺其哀

薄宦嗟身世升沈未敢辱已甘違畫省終愧隱江濱紙
上逢青眼夢中望白雲高寒兼永夜先覺曉鐘聞

其二

怙恃悲雙失，淒涼獨此身。
飄風拂素枕，孤月冷松筠。
尚媿羣魚死，徒傷孫綽神。
嗟哉乘化者，松梓自為鄰。

懷梁昭性村居

下帷非好隱，萬卷擁奇書。
夢草能華筆，然藜自照廬。
潯水殘虹歛，秋風白鴈疎。
停橈訪戴者，幽興欲同居。

其二

君有桃源意，溪流自可尋。
山開懷葛地，人尚鹿麋心。
秋

晚收梁稻婦賢供織紵空園無一事明月伴孤斟

其三

習靜依秋野高人養跡深暝雲歸草舍曙色耀高林雨
霽蔬堪摘庭間鳥自吟攜琴思一造共醉桔槔陰

其四

曠野能收道况逢琴瑟秋山雲不作雨浦水亦生愁奇
字窮三易高懷隘九州花間無日課晏起尚科頭

送劉淇瞻侍御歸葬

契濶情何限啣哀腸斷時因君風木感切我蔚蒿思望
望丹旌遠行行白馬嘶永懷他日夢應在垓山陸

過新樂觀伏羲臺浴兒池

萬古真元氣常鍾至聖身龍圖開道奧鳥跡佑斯人野
色空池綠荒臺晚樹春遺經有卦象俯仰盡經綸

過定興拜楊椒山墓

何世無龍比哀君王佐姿孤墳留易水碧玉黯荒祠正
氣無今古招魂有歲時白溝舊戰壘樵徑野風吹

孫平侯柴東巡邀飲別館雨中春樹煙際村莊園
林僅二里有江湖萬千之象

清曠來風雨寒塘欲醉漚翠微封古寺紅遠障飛樓暝
色春城晚清言方丈幽因思淮北日天際掛歸舟

苦雨自省垣歸邸

彼蒼不可問積雨漫長空萬竈浮烟杳層城御液通水
衣緣壁上野鷺起庭中左掖歸來晚憂懷賦草蟲

過傅掌雷太史曉園

自有滄洲意蕭然三徑清
藉花能醉客坐樹不妨鶯
著述淹風雨交遊念死生
濁醪君不惜一晤一回醒

送李光宸給諫終養

君奉高堂去白雲歸路長
瓦橋漫野水花嶼度春光
青

瑣桐陰寂皂囊諫草藏
容城居最近著述莫相忘

瓦橋花嶼

皆在
上谷

東友人

天地欒槍滿山河景物移
丹鷄盟石友柿葉寫新詩
道

以遲能重書因悟轉疑中原高戰伐運甓是吾師

雪後懷環極魏都諫

世事榮枯見人情陵谷紛青山久念我白雪尚慙君曝背分朝旭書灰共夜分灞橋何處是高卧惜離羣

寄高溫如官蜀閬中令

來往三巴路王程計幾千千戈依戰壘涕泪見人烟白日烏鳶聚高原豺虎眠家書三月少秋月正孤懸

送辯若弟歸里

薄俗恥高隱歸與竟若何寒雲起涿鹿秋色滿滹沱執
手聲中淚離觴醉復歌乘時方努力中歲易蹉跎

其二

梁鴻入越日季子遊燕時為客誰青眼還家是白眉分
金何足語樹德莫如滋尚媿姜家被搖搖念故籬

送張東山年兄叅藩江寧

雪裏驚分手離筵一放歌吳江楓色冷燕岫暮雲多詩
卷應常寄松風夢自過六朝餘勝跡北眺盡寒波

送申鳧盟歸干平

結茅洛水上韻骨自珊珊
縫掖驚皇甫噫歌避伯鸞
詩名燕市噪樽酒夜燈寒
白雪空山裏何人歌倚蘭

春日憶山中園林寄諸弟

雪霽長安道風吹遊子顏
高齋春不暖獨卧夢常閒
古樹棲寒鳥白雲鎖故山
同胞應念我何處下松關

燕九節同猶龍諸友遊白雲觀

寥落白雲觀人傳太極宮
古碑餘鼎屢至道是崆峒
蕉

鹿成今古亡羊有異同狂歌吾輩在懸解問天公

其二

薄暮思無已登高覽廢城徘徊今日事慷慨古人情寺
挾雙峯起雲留片雪明還丹如可就禽尚願同行

其三

為愛春陽好逶迤傍水隈臨觴飛鳥過趺坐野雲開諸
岫紛相接仙人去不來欲尋真樂事莫遣鬢毛催

其四

冥心求靜者一徑入雲烟
雪霽峯巒曉天高堞雉懸華
池一井現金液幾人傳惆悵
白雲事聯鑣日暮還

其五

冉冉雲中起先生不可留
扶筇凌海嶽脫屣視王侯
瑤草壺中覓玄珠象外求
只今憑弔處惟有晚山稠

送喬文衣歸里

愛爾悲歌士官卑志不違
聞鷄提劍舞秉燭惜花飛
春促燕山月青歸泚上薇
著書滿石室伯玉正知非

送王康侯歸癸陶時考中翰失意

同學登樞要君成汗漫遊世方輕鷺鷥吾自重驂騑春
草斜陽路荒原野渡舟潛夫遺論在仰止足藏修

送宮紫玄歸廣陵

秋盡寒山出旅人不可留
劍光衝暮雨霜氣冷征裘
薊北黃金貴淮南桂樹幽
送君從此始濯足大江流

其二

出處關千古君歸意若何
酒徒燕市散海色廣陵多
世

事憐芻狗吾生愛薜蘿草堂春雨足時藥養天和

淇瞻劉年丈邀集徐園同猶龍太史青嶠給諫即

賦

兩度尋幽勝開筵對晚霞驚灘集網罟秋燕過蒹葭堞
雉悲今古笙歌沸草花談心終不倦愁聽暮吹笳

其二

縱下憂時淚何妨醉瑤岑虛檐侵鳥道危檻迫濤音晚
水斜陽照高城岸柳陰忽驚雙鬢老燒燭共長吟

咏螢

記言螢處晦而明有君子之道故詩中及之

燭耀乘良候因風掛夕扉
自憐身渺渺敢羨鳥飛飛
問月光偏杳依花氣更微
秋來雷雨急何處掩清輝

其二

入室復依檐凌空不碍簾
偏宜秋徑澹豈愛暑風炎
高下疑星陸參差畏露霑
孤光甘一燭不敢効幽潛

送楊猶龍年丈赴晉臬

十載稱良友胡為四牡駢
無言何用贈有淚欲同揮
出

處既如此文章寧遂微芳名各自保庶其芟荷衣

送友人白青玉歸

故園一片月相照共生平儉歲無憂色山田惟力耕床
頭留舊釀世事盡浮名余亦明年去閒看春草生

丙申清明日同白方玉蔡著雍兒勸游祖氏園亭

遂至萬泉寺

祖氏者將軍大壽也其園右安門外

倦眼宜春放青青任馬蹄名花發石岸新水漲前溪虛
閣清風入梵居古樹齊尋源好策杖猶欲過橋西

追送田髯淵

數日勞軼掌悵然君遠行飛蝗殘晚稼積雨黯秋城前路龜山蔽孤舟吳月并華屋有醴酒誰與聽啼鶯

讀呂新吾先生遺傳寄減之年丈

新吾諱坤萬歷朝進士官至少

司寇所著甚富有呻吟語等書蓋白沙甘泉之伯仲

大道亡羊久茫茫孰與尋哲人起往代遺像肅秋陰白日光明氣名山風雨心況隨蘭譜後鐘呂邇遺音

送高念東請告歸里

澹然無世慮
秋雨茂陵人
偶爾華簪脫
何妨藥裏親
青山好曳杖
新月漫垂綸
舊有丹丘侶
應同臥草茵

贈殷伯巖

伯巖鷄澤人曾為睢寧令棄官歸與楊猶龍友
又與白澍三講求性命之學遊五岳名山能詩
戊戌秋至都即旋
余賦此追贈之

不作淮南令
歸來事桔槔
名山多杖履
田舍有風騷
爽氣虬鬚動
清言河漢高
卜鄰已有願
終共隱蓬蒿

寄梁昭性

爾汝當年契于今情倍殷高齋留舊墨春柳寄停雲
朗照何時醉清心得妙聞平生燕趙客慷慨惜離羣

贈彭士報

博雅稱彭子追隨已數年賦成梁苑雪丹鍊玉芝田
酷愛猶龍氏更酣蕉鹿眠忘形真老友不受世人憐

冬日飲半齋即賦

斗室春生暖雪餘晴色多高談消塊壘美酒憶滄沱
調饌添新味臨池存舊鵝嚴城猶未禁乘月到烟蘿

其二

言念尊羹美君恩未可違故人相對飲明月照烏飛雪
色歸青鬢梅花發舊幃明年更有約火樹燦春衣

追送趙友沂中翰

鞅掌真多事蹉跎媿玉山名文華日月孝節動鄉閭湘
水孤帆濶廣陵舊業間連城知國寶大雅佇君還

送許傳巖請告歸里

直節中朝著兵機閫外聞息心甘入道掛席已離羣詩

老澆花法才高月旦分百泉多隱逸懷古共慙慙

談及孫北海著書

鄙上家聲舊江干意氣真元黃悲往事水火嘆生民靜
色來三徑高談動四鄰著書有北海猶欲裒清塵

曬甲石 在山澗側

親見隋煬事征遼又復然憫忠焚戰骨掛甲向山顛流
水今猶古白雲去不還士人三兩輩艷說大唐年

寄吳梅村中允 時得二子

三年別海上憶爾望金臺
弓鼎軒皇去山河庾信哀
桃花存舊譜梅影漾新懷
再索雙珠樹欣覘吐鳳才

喜田髡淵至都

占斷烟霞處復來燕市遊
絃歌空有待松菊已無愁
亭敞延虛月詩窮共敝裘
相期千載秘不是為封侯

贈孫北海少宰

當代純心者如公有幾人
蘭亭得秘蹟伊洛是功臣
花發吟晴日窓虛度晚春
邵年能入室快見闢荆榛

庭前柑子花開步田鬣淵韻

漕輓依航至移來錦石傍
白花紛自喜野色動微涼
黃待東籬菊清分別院香
晚霞人醉後猶憶故林霜

柴塲中賃地構堂曰如野作亭曰片雲每於公退
晚涼嘯咏其間

避人城小築彷彿似山家
仄徑偏宜石疎櫺不厭花
夜談得老友汲井煮新茶
綠野他年事誰云此興賒

送王成公歸江寧

春日買歸舟高齋雪夜留雲山從此遠書劒幾番愁嶼
舫聞佳話秦淮擬勝遊他年相憶處明月照蘆溝

懷太倉張無近掌科

梧掖曾聯袂直言天下聞酣歌燕市酒獨卧洞庭雲教
子修鸞翮著書尊典墳風流知未歇數載惜離羣

戊申九日邀曹娥眉遊祖園並餞

澄懷逢菊節挈友上湖亭曲愛花間度山憐雨後青閒
雲栖古堞睡鴨隱深汀暫掛江帆去寧日作客星

寄桃源令舍弟喬訥

近得桃源信舊河水漸通一官如垤蟻百里盡哀鴻鍾
畚回天意殷憂動聖躬好將循卓蹟媲美古人功

玉簪花皓潔色如凝脂花品之嘉者喜植于陰地
日炙之則萎黃矣辛亥夏余居郡城酷暑為
虐僅餘喘息六月晦日墻下玉簪有臺翹然其
花將吐余於是感秋風之將至煩暑之欲退也
況由斯以往七夕穿針中秋對月鴻嘹唳而

南征菊紛披而錯采甘果競進清酌徐來其樂
豈有極哉是知花之與時有消息之義故為賦
之

煩暑擬將退幽花吐一莖不爭桃李色豈有綺羅情澹
澹迎秋氣娟娟對晚晴應知先桂菊芳馥滿檐楹

贈平子遠南遊

愛寂居深巷壺觴留故人一肩行李瘦半載見聞新閩
粵催遊履江湖憶釣緜懷恩頻看劍何必嘆沈淪

慰李灌叟青衿被黜

一衿何足戀耄耄分宜休
嫗老能炊粟孫癡可飯牛
青山常抱屋煙樹自依丘
嘆息人間事終同逝水流

和霍龍淮遊娘子關水簾洞

林下多幽事秋遊娘子關
濃花開洞口老樹接溪灣
瀑起空中月猿啼雨後山
丹丘應不遠乘興好躋攀

送彭士報歸歸德並懷宋牧仲

千里時相憶魚書意若何
士窮俠骨在金盡酒顏酡
鄙

上悲歌舊梁園風雅多衰年惜老友誰與醉烟蘿

庚申春日客有詢余以近有何樂者兼言二三知

已米珠薪桂感而咏之

四首

萬事都成假吾生為最真宦情薄似紙詩興不無神歲
月催行旅雲山若待人書空咄咄者小草竟何因

其二

偶爾三槐座今宜二仲延那知真樂地不在顯榮年詞
賦驚前輩功名讓後賢庭前花燦發許我醉如顛

其三

世上風波險人情頻笑難但存夢幻想應作鼠虫觀玉粒常須索金蛇豈借看雞聲連畫角未足擾魚竿

其四

濟濟衣冠會英英文字雄有山藏霧豹指日夢非熊誰解越中橐空憐國士風登高憑弔處寂寞古今同

聞賀伯玉移居石窩鋪有感

何處逃魑魅石窩可卜居盟心甘白水避世有蝸廬一

逕山樵喜半床花氣虛幽棲吾素志欲共種園蔬

贈藁城羅蘋州父母

瀛海沐恩波政成人物和漳濱移化雨嶽色潤鳴珂經
世廉名著君章藻思多陽回欣道長桃李滿菁莪

除歲

雪霽風猶緊柴門閉寂寥典衣供吏檄沽酒話清宵除
歲無侖子迎新有栢椒詩人尋伴侶吾道未全消

烏盟諸友

時相遇從詩
興賴以不孤

秋日雨中吟 十二首選六首

最愛雨中景淒淒懷友心層城高鳥下遠樹暮鐘深老
覺風欺齒愁因月照砧茫茫此世界豈盡少知音

其二

寂寞無人問空齋別有天微風吹岸草細雨洒平阡肺
熱新停酒蔬成不用錢村童教識字好使檢書箋

其三

昔日談王霸今朝學圃農雞豚時自牧飲啄與人同痛

哭空懷古狂歌擬送窮夜來白露至已滿菊花叢

其四

空堦聞雨滴秋草日霏霏但惜故人少不知生事微官
貧餘鄴架計拙有漁磯儉食供軍國何時奏凱歸

其五

霖雨斷人行纔聞鴈有聲長沙連歲戰東粵一朝平


聖主恩波大將軍勇氣橫甲兵如可洗努力事躬耕

其六

晚年耽退靜閉戶自潛藏栽樹多成果移花已半塲捲
簾看蛺蝶撒網上漁梁更得延生訣龍宮檢異方

贈南和沈頤仙父母

仙令自中州休文風度優雪霑麥隴足雲映錦堂稠冬
日新添線陽和羣獻謳南山徵福祿惠澤藹春流



兼濟堂文集卷十九

欽定四庫全書

集部

蕪濟堂文集卷二十

詳校官檢討_臣劉錫五

助教_臣常循覆勘

總校官進士_臣繆琪

校對官典簿_臣郭祚熾

謄錄監生_臣葉世華

欽定四庫全書

兼濟堂文集卷二十

大學士魏裔介撰

七言律

奉贈孫北海先生

靈光歸峙幾人存
古道長安獨閉門
三代鼎彝蝌蚪篆
四朝史冊鑒衡尊
身形似鶴無丹竈
書法如鸞自翥鶩
此去故園春草長
好依明月夢前軒

送張螺浮掌科請告歸里

人物今稱姚宋儔
濃花晴日起離愁
宦情瀟洒浮雲在
世事風波江水流
諫草常留旌折檻
新詩獨賦憶披裘
伯牙臺上琴聲遠
何處蒹葭一葉舟

和大宗伯龔芝麓元韻

脂車計日指槐陽
話舊情深感慨長
共許文章能報國
豈知鬢髮各成蒼
人如北海尊常在
歸向東籬菊未荒
旋馬廳前居第隘
蕭然那得橐中裝

讀東鹿李方巖楚游草即贈

一卷新詩楚水頭，歷冬及夏始迴舟。
雲飄僧舍茶煙歇，風送林香酒力稠。
慢世敢誇鸚鵡賦，逢人先解鸛鷗裘。
可憐逆旅輕奇士，芳草王孫自倦遊。

夏日同李方巖過雕橋尚書里遂至石屏禪院

蘭若幽棲遠市城，西南形勢翠雲橫。
細泉斜映池荷色，密葉深藏好鳥聲。
偶借禪床分午夢，便攜村醴過柴荆。
野人不必知名姓，十載蓬萊殿上行。

過樂武子祠懷古

有客衝炎到古臺，淒涼祠宇使人哀。
風搖麥隴留殘粒，案缺爐煙有敗灰。
大陸東瞻水欲涸，太行西望翠成堆。

歸來重檢丘明傳，誰是當年僑盱才。

時天大旱

觀靜樓者溉林李親家年臺園中新築之樓也。先
既作亭種蓮蔭以垂柳，余名之曰遠香。茲寄觀
靜樓記文以示，雖未得登眺，而山川勝槩溉林
胸次浩浩已見之矣。

風塵冉冉送居諸為愛煙霞返舊廬
野水時來侵竹逕閒雲偏欲傍松除
晴看大陸當窓盡醉俯衡漳入望餘
危坐不知秋漸老槿花榮落復何如

其二

聞君頗好仙人居檐外飛雲動碧虛
濟物功成應拂袖澄心獨得喜懸車
拋殘午夢聞啼鳥讀罷黃庭摘圃蔬
最愛芙蕖深密處喬林朱檻遠香初

九月朔日坐玉樹軒觀雨

節近重陽景物新高齋趺坐靜無塵鴉藏深樹知觀雨
花出嬌容似向春栖畝餘禾添粒子開壘舊釀醉閒人
煙霞世外真堪賞誰是先憂後樂身

秋日聞鴈園丁自南村移竹栽巢雲亭左右

少年曾志五湖遊金馬歸來欲白頭幾朵菊開菊圃淚
一行鴈帶鴈門秋長安卿相交情淡故里風花晚節稠
更有茅亭添勝事移來翠竹滿平疇

讀五代史

濁醪澆盡柰愁何五代紛紛逐逝波
纔見全忠雄汴水倏聞亞子渡黃河西川王孟成翻掌洛邑優伶自倒戈
花項幾年為帝業澤民善政史編多

讀陸務觀劔南藁八十五卷終

南渡詩家有放翁才高不與衆人同心如秋水湖千頃
筆抵春山翠萬叢報國有懷入畫角學仙得力似冥鴻
晚年獲此真良友寒夜蕭蕭醉瑋筒

子姪勸等壬子新春入滙景園閉戶喜咏

罷相歸來問笑荷荒園老屋映庭柯文章應許如班馬
詩賦還應擬李何偶向曇華尋寂樂時烹香茗對藤蘿
春來桃李爭先發喜見烏衣磊落多

思友

嘆息年來萬事非友朋零落更何依且亭詩在春雲黯
劍閣人亡旅櫬歸幾卷佳書延歲月一鎗香茗對漁磯
黃冠緇衲為朋侶猶勝風波鬪巧機

寄魏環極光祿

樹雲阻隔此心同十載煙霞夢寐中溫清人知如閔損
經綸羣望似姚崇著書成帙名山業飲酒多方樂聖功
退谷先生好晤對藤花亭下晚香叢

退谷孫北
海先生也

哭亡弟辯若四首

壬子十月

垂髫曾共誦奇書自許才華世不如蹭蹬中年始發蹟
迺遭一令便懸車治留棠蔭稱遺愛詩積青箱走蠹魚
此後五人中少爾臨風洒淚滿衣裾

其二

人間生死本尋常
妄作誰齊彭與殤
子業成名亦足矣
官卑賁志實堪傷
三秋肺病乏良藥
一夜樓成下玉章
友愛棣華腸欲斷
撫琴回首倍悽愴

其三

落落寧甘滯一丘
高才原不遜瀛洲
風雲未奏愁鷹隼
蹀躞長鳴困駟騅
槐水細流波慘澹
行山舊隱樹綢繆
臨漳不起中郎哭
埋玉蕭蕭馬鬣秋

其四

諸昆濟濟樂笙簧九日猶同宴一堂
叢菊花殘陶令死
青山酒渴謫仙亡
柳莊作賦空驢背
午水臨流罷野航
寄語姪曹湏秘惜生平著作謹收藏

士子初冬偶作思楊方伯也

老來無友亦堪場
閱盡朝華與夕陽
曾許且亭續子美
誰知河內殞嵇康
孤城畫角樓空倚
紫塞征鴻背有霜
聊與鄉人忘爾我
風流今識展禽狂

其二

滿眼江河日下流蒼茫獨棹一孤舟
孔方到處人成癖蘭臭同心忽向秋
高尚豈無廊廟志林泉亦有圃農憂
強呼賢聖杯中起酬酢何庸與世謀

癸丑初春奉和
大名道心一孔公祖年臺八居詩
一時作者林立
魏子惟度為之首倡
惟度名憲
閩人也

山居

曾愛曉坑澗下溪卜居深在數峰西
白雲自轉庭前樹

天籟時聞窓外鷄徑險不妨樵擔度峰高時見鳥飛齊
春生洞壑偏妍秀何處子規半夜啼

巖居

山深一室抱前溪甕牖繩樞嵐障西樹杪飛泉驚瀑布
田家報午寂鳴鷄炊成世外青精飯看到人間物我齊
門外青山自太古春林簇簇野禽啼

樓居

斷壁紅深隔一溪雙九飛渡自東西不將鳩拙思乘鳳

欲學鵬搏笑鬪鷄
寶瑟網仄偕燕老
方瞳鶴駕與雲齊
滄桑此處尤分曉
絕意秦川鳥夜啼

茅居

結草為椽傍野溪
倚門老樹失東西
莫嫌世味如牛馬
獨愛雲中有犬鷄
自檢方書和露寫
手栽仙藥傍簷齊
春來奇事君知否
一帶花林鳥亂啼

鄺居

近市猶如在澗溪
杏花歷亂小窓西
譚玄入妙思駢鶴

莫入樊籠學鷺鷥
欸乃聲中漁網下
蒹葭叢裏酒帘齊
溯洄此地勞心曲
忽念驚鴻四野啼

村居

塵囂不到武陵溪
試訪桃源亦在西
漢魏兩朝同野馬
朱陳二姓共鳴鷄
槽床自漉茅柴易
擺極新收玉粒齊
老我一生長在此
含飴好聽小兒啼

甲寅初秋有感

萬事難禁冷眼觀
庭前窓鬱小林巒
新書初著誰爭讀

佳卉移來好自看
巫峽烽煙連楚郢
臺灣艤艫犯臨安
民生何計樵蘇遂
日夜憂天淚欲彈

甲寅秋九月同勦兒遊城東北隅槐川書院有感

作二律紀之

槐川高叔祖也先高祖衡
山令慎齋之胞弟任總督

旂常功業照雄邊
卜築傳聞嘉靖年
一自鶴歸華表後
更無人醉晚風前
停雲樓暗封蛛網
光貴堂空絕綺筵
尚有遺編留鄴架
登臨迴首欲潸然

其二

當年昆弟守傳經，拭雪村居眼倍青。
張掖狼煙曾電掃，衡陽棠蔭遍碑銘。
華堂未廢鄰人鎖，茶竈無煙蔓草零。
試向香雲閣上望，西山黛色翠如屏。

九月念一夜雨喜作

老來一榻自舒徐，世事何勞嘆索居。
竹屋青燈聽夜雨，小窓香茗讀藏書。
軍中羽檄宵猶警，隴上菑畲手自鋤。
饘粥今冬尚可飽，天心仁愛樂何如。

和張元裕南湖泛舟答謝原韻

五湖何處問扁舟有客同心亦勝遊
楊柳毵毵夾斷岸葭蘆鬱鬱上孤洲
傾杯痛飲思遺世吊古高歌誰倚樓
漱灑亭邊秋月白可能一葉共浮鷗

再贈平子遠

乙卯秋又過栢鄉

仗劍飄零笑敝裘清秋白日暫淹留
馬周自醉新豐酒崔顥空題黃鶴樓
誰許青蚨酬國士尚餘客帳夢封侯
稽山深處頻回首鬱鬱長松蔭古丘

乙卯中秋京師出兵赴荊州時傳言將渡江進取也

廿一至廿三連日夜雨

聞道湖湘有戰期連絲霖雨晚秋時鐵衣問夜吹寒竈
征馬嘶風狎鼓鼙上將知兵須慮險謀臣憂國貴爭奇
功成自古歸天寵誰把凌煙姓字垂

其二

宣尼夾谷歸侵地晉國淮西降蔡人豈謂書生空袖手
須防肉食善謀身師環隴右烏雲合馬踏荆山戰血新
帷幄昔年曾借箸漁竿今釣古槐濱

後秋興八首 選六首

昔丁亥之歲余在京邸效顰子美有秋興八首頗為名流之所推獎今二十九年矣抱疴里居秋夜聽雨舊習復萌含毫濡墨不覺盈紙余趙人也生居鄔南家近邯鄲幼誦史記國策諸書

顏諸趙事故多憑弔之詞云爾

過井陘

試向井陘山下過左車不用計如何
荒臺寂寞生秋草
漳水潺湲嘆逝波
五代遺編雄冀晉
東京王業起滹沱
年來又見征塵擾
憂國籌時鬢已皤

晉王出贊皇破梁軍於栢鄉

登小峴

獨坐悲秋意不伸
登高回首倍傷神
自傾竹葉酬佳節
哭向黃花憶故人
玩世頗宜師柳下
為文何必效先秦
參差鴈叫長空裏
老屋枯桑夜雨頻

邑西南有土山邑人每歲於此登高

余名之為小峴山

笑草玄

著書豈敢續先賢
獨坐茅亭笑草玄
聽雨蛙鳴已盡醉
看雲日暮又高眠
樵柯自向北山櫟
黍釀應須南畝田

讀罷七歌思杜甫秋風吹動菊花天

祀信陵

平原用括難言智公子封鄆亦曾間

謂信陵君

五霸功勲存

趙魏三千賓客老鄉闕勸歸毛薛誼偏厚自劉侯生事

更艱遠害全身甘飲酒至今俎豆大梁間

信陵客惟侯生奇偉亦子

犯隲朋之儔也

悲常山

死節常山顏杲卿明皇昔日不知名漁陽鼙鼓聲何急

妃子霓裳曲已驚忠義昭昭千古烈繁華灼灼片時榮

實臣叛逆何功德

真定今尚有李實臣功德碑余欲踏之

踏斷豐碑襟蔓

荆

奇毛遂

豫讓擊衣悲趙國武靈探轂餓沙丘英雄事去全秋草

紅粉香銷付水流

武靈王寵吳娃也

大抵虞卿能任俠誰知毛

遂有奇謀腐遷史記留陳迹懷古高歌風滿樓

房子有懷古樓

乙卯九月有懷泥河張元裕詩壇

愛君獨負有詩才舊相風流東閣開樹裏燈明談往事
花間酒滿起青苔未沾一命牛衣泣讀罷三冬畫角哀
七夕中秋都過了征鴻度盡約君來

賀白仲調補中行

奇士丰標迥絕塵蹇驢遠道漫勞辛彤庭曾獻天人策
白下已闕憂樂身易水登臺思郭隗東垣作賦壓子鱗
提戈草檄尋常事待爾民風使再淳

燕臺秋興

黃金雖係尋常物好士能留萬古情
歲晚清笳悲戰壘風高落木響孤城
劉蕡對策身空老賈島能詩墓已耕
痛哭呼天頻悵望誰將國士遇荒飢

其二

洪流浩浩百川騰昏墊頻嗟歲不登
瓠子窳宮空往事淇園楫石竟無能
蒸黎家室隨魚腹天地江湖賸釣罾
側席近聞思謹論何人慷慨咏春陵

時河決久不塞

其三

悠悠坐憶東籬菊
悵悵時懷雙鯉書
稽古桓榮終見用
散金疏廣可能如
霜黃梧碧侵寒月
秋老楓丹向索居
瑣闥幾年隨曉仗
為郎皓首漫躊躇

其四

複嶺重關勢若奔
皇畿形勝建瓴尊
蟠龍踞虎來天險
帶濟襟河入薊門
重譚何年通越雉
乘槎有使問崑源
宣雲密邇神京地
鎖鑰還應奠右藩

將赴魏村山居寄社友喬百一

僻性從來厭世譁幽居當問武陵花
全收明月為吾黨未許青山獨謝家
種菊也須並植柳釀泉更欲解烹茶
故人自有天隨子好待霜林看落霞

趙問源九日約觀菊阻雨不果

聞君舊有龍山約落落風期許我宜
籬下淵明貧自好江州司馬俗難醫
酒逢幽士應飛箏雨為重陽來助詩
此日登高惜未得漫敲巖老枕中碁

千秋臺

田園幸爾賦歸來世運江河亦異哉自有黃金登要路
不將青眼問蒿萊閉門搔首臨王帖送客高歌到漢臺
鐵馬玉衣久寂寞荒林鴉噪使人哀

野鷄舖

寒飈感發動秋波終古風流與恨多荒塚魚燈沉寶玉
平原馬首躍金戈天心混混蠡探海客路茫茫公渡河
起舞聞鷄成底事不如青笠伴漁蓑

真定府

成德軍聲震若雷長亭矗立古烽堆山分恒嶽奔天馬
水遠滄茫到海隈砧杵千家嚴畫角梯航萬國走輿儻
遙看劒氣冲牛斗知有三都作賦才

樂城郵舍

趙北燕南古戰場征車日日計餽糧輓輸絡繹來南國
羽檄風塵暗朔方哀柳依堤餘返照殘飈逐馬冷行棠
浩歌雪涕令人老我欲拂衣臨辟疆

九日登城南崔府君廟

在邑西南

盤回曲徑陟崔嵬
喬木凌雲亦壯哉
鴻鴈不來秋自老
柴桑有夢菊空開
丹房藥竈迷烟火
古廟碑陰上綠苔
惆悵夕陽人共醉
遙看荒甸葬寒灰

述懷八首 選四首

終古雲山一望中
幽棲常欲蹈冥鴻
興亡世事同蕉鹿
得失虛名付楚弓
蓮社豈能邀靖節
醉鄉且自效無功
年來高卧層臺下
靜對春花幾樹紅

其二

寥落荒城賦索居天涯知己各紛如祖鞭應讓時先著
蔣徑終當手自鋤澆我愁煩無似酒益人神智莫如書
牙籤盡展瑯函秘草滿池塘花發初

其三

築室郊原好閱耕每逢野老較陰晴丹砂未就陶弘景
醉飲還同阮步兵魚鳥依人洵可樂烟霞遯世本無爭
偶然拂枕青苔上惟見雲間白鳥橫

其四

邇來何地可埋憂惟有西山誌勝遊草木秋深多欲老
雲霞歲晚不曾收忽驚時序飛蓬髮暫託歌呼對酒籌
試向五成陌上望平原禾黍正油油

和梁敷五太史雨中見懷

連朝飛雨散空濛高韻常懷孤嶧桐已召雲嵐為侍史
肯將花鳥付東風參元枯坐涵神劒琢句長吟付楮公
聞說兵厨薦竹葉訂期促膝聽秋鴻

李腹公內翰見顧述懷奉贈

仙骨珊珊衆所睇
伯陽遺世復來歸
曾酣紅玉觀溪水
同杖青藜上釣磯
君自南遊悲負米
余唯泣血念斑衣
剪燈話盡經年別
曉夢還隨馬首飛

贈姜真源巡視茶馬

當年曾共賦蒿莘
國士人爭倒屣迎
儲相玉堂讀秘史
借才繡斧抗霜旌
要教汗血充天廐
可使龍媒出塞行
咫尺杼懷憑弱素
西南千里暮雲橫

服闋赴都至中山
自此以下壬辰年以後作

人傳舊國是中山百戰蕭條民力艱尚有室家依野水
可能烽火靖嚴關捐軀漫許贖重補戲綵何用衣再斑
此地松醪雖可飲不禁回首暮雲殷

春日過蘆溝橋

桑乾直下連滄海天矯青龍接御隄寥落長空寒過鴈
朦朧煙樹曉聞鷄香山晴氣歸雙闕榆塞風霜上馬蹄
咫尺五雲頻眺望春風已到帝城西

送蘇文昌同年會試不第回閩

眉山仙史號裁雲牛女星精應是君客路七千歌劍蒯
鷄林廿載著鴻聞明珠待剖終無價綵筆生花自有芬
愧我薦賢乏啓事上林空羨馬卿文

又挽二如孫中丞

箕尾光分傳說儔徘徊不見夕陽愁一身大雅徵文獻
念載中原係去留冰鑑人倫存啓事鐵肝烏府著嘉謀
山阿泣盡羊曇淚水冷滹沱白日秋

入直遇雪

年來佳氣鬱宸闈
初見瓊英動夕霏
蕩漾寒光來紫塞
崢嶸曙日照魚緋
惟將樂聖酬詩癖
遮莫臨風羨鳥飛
封事明朝思補闕
幸逢色霽敢依違

秋思

雪霽霜飛夜不明
怯寒兀坐對孤檠
懶翻鄴架書千卷
長嘯庾樓月五更
自是違時同叔夜
猶然伏枕愧虞卿
羈懷暫作鄉園夢
驚入疎櫺落葉聲

和楊猶龍作

幾回蕭索嘆淹留
碣石蒼蒼雲物愁
三載珥貂真續尾
一官曲突恥焦頭
居因地僻心常息
話到山深暑欲秋
嫁娶未諧禽尚約
乘槎海上負奇遊

奉贈青壇成閣老

中原丈獻掌絲綸
夢卜時膺異數頻
帝授玉鉉調鼎
天開東閣繪麒麟
藻衡一代龍門重
調燮千年大業新
揖客自慚非汲黯
幾回翹首望清塵

和法黃石太史

寵辱從來夢不驚
醉中風雨暈潮生
天涯黃霧常連塞
海上青山空有情
應馬呼牛甘大隱
栽松種秫漫逃醒
盈虛莫問君平卜
已見朱門蔓草縈

寒食節同猶龍丈衣觀仲溪遊白雲觀

乘春結侶尋仙迹
尚有白雲日日留
一井渟泓餘碧水
人間咫尺是丹丘
荒臺繫馬平林晚
野寺悲歌古木幽
却意青山圍故國
幾番興廢使人愁

哭堯山梁村程祖母舅

典型不見髮如皤
喧嶠雲嵐慘色多
雙壁自能傳素業
一經誰復問青蘿
名花手植餘香圃
方沼新成未漾荷
遺札傳來悲往事
不禁傾瀉淚如河

別同門石仲生年兄

昔年曾共侍廬陵
祖帳仙舟舊友朋
豈謂驪駒堪太息
莫言騷賦自多能
雲間高鳥翔千仞
天外孤峰矗萬層
聞道故鄉春雨足
菰蘆深處掛魚罾

和高陽李坦園相國

無才寧敢玷崇班歲月驅馳指顧間縹緲五雲瞻紫極
逍遙一杖到青山太平春酒人同醉柳墅茅堂天賜閒
自有夔龍思補袞著簪求舊可能還

張螺浮都諫夢中有十年霜雪老黃門之句諸公

奉和因次元韻

十年霜雪老黃門去國名高道益尊
領下批鱗身欲粉
虞淵取日手無痕
牛衣對泣孤臣淚
宣室陳言漢帝恩
華髮相逢驚歲晚
歌風重續石壕村

其二

十年霜雪老黃門
抗疏朝陽君父尊
流水高山風自古
青天碧海月無痕
悲歌燕市留臣節
擁棹荆江念主恩
可惜扁舟今又去
春花如綺照孤村

送友人歸里

一片孤帆問潞河
華筵惆悵意如何
詩才雅步西園後
俠氣爭如北海多
懷橘深情辭上國
思萼勝事在煙蘿
清時正藉天人策
未許桐江理釣蓑

餽龔芝麓凍酒和韻

易州城下黃金臺
流水釀為竹葉醅
御苑鶯啼猶閉戶
晚春花落且啣盃
登樓屢欲哀王粲
衣綵方思戲老萊
文獻中朝推雅望
五湖烟艇可能回

送薛行塢請假歸省

大雅雄文繼兩京
思親遙發事南征
十年烽火鄉園夢
一日斑衣菽水情
綠野窓虛泉氣湧
行山翠動曉雲生
相期蚤赴承明直
莫向深巖采落英

贈仲芳錢年丈

十年滄海浴修鱗
樵牧能知公輔臣
大雅可興需我輩
蒼生屬望是何人
虎頭墨妙通神去
平子精思作賦新
拭目金明池上柳
江頭爭待韋家春

鄧元昭邀看海棠於慈仁寺

塵勞誰解惜春花
蕭寺尋芳日已斜
翠葉競扶香國錦
濃英密簇赤城霞
十年潦倒同杯酒
三月疎狂問異花
向晚莫疑妃子睡
風流曾許是仙葩

送衛印孫請告歸里

聞君卜築景明前，帶雨看耕負郭田。
辭去勞人愁歲月，好尋秋水舊雲煙。
穀城高隱留黃石，洛下狂吟醉樂天。
野老不疑同海鳥，新詩佳句可能傳。

送楊悔菴之河南

病肺無能問酒盃，聞君南下意悠哉。
燕臺秋雨連山急，淮海孤帆向日開。
畚鍤十年勞補築，節宣千里救凶災。
平江勝事非難繼，八月濤聲漫溯洄。

送黃子石之嶧縣

子石精岐黃理

長房仙杖忽東行，鷄肋微官豈戀名。
漫詫飛鳬辭帝闕，要觀出日問滄瀛。
書攜素問孤舟遠，政有循良竹馬迎。
採藥名山曾有約，留君清話到深更。

太行晚翠

山有桃花洞，仙人岩。余幼讀書處。

綺霞澄霽見崔嵬，千里行山向晚來。
古洞桃花人世外，仙岩石髓翠微開。
白雲處處藏愚谷，秋色年年點綠苔。
為憶柴桑晉處士，何時共醉舊家醅。

光武遺蹤

後漢書光武即位鄴南

驅馳河北藉羣材何待彊華符命來
萬姓謳歌思漢德千秋麟鳳起蒿萊
祠庭祭器封蛛網鐵馬金戈卧碧苔
想像鑿輿臨幸後斜陽樵牧幾徘徊

送徐元文

仙才帝簡重鵷班天目霜松幸得攀
清論久因風月峻高懷常為水雲閒
思親正喜歸元直署紙終教待景山
鄉國山川莫遍覽遲君飛旆侍龍顏

送秦留仙檢討請假歸無錫

潞水澄明一碧流，錦帆人在木蘭舟。
詔書下殿縈公緒，才子臨江繼少游。
座有青袍非劍俠，檻依紅樹是高秋。
惠岩幽處泉亭別，安得從君汗漫遊。

興勝寺花園內有高樓三層

寺南寺北皆禾黍，獨上危樓望古燕。
萬點太行秋色照，一灣東海薊門懸。
流觴石逕荒金谷，華表高原冒野烟。
山衲相期更不淺，花開待我度春妍。

高梁橋在西直門外橋西有王墓

寥泚已非修禊日高梁橋下水空流白鷗漠漠連天去
宮柳毵毵入座浮堤畔琳宮餘鼎鼐路傍新塚是王侯
春明擾擾終成夢欲共安期泛十洲

彭城放鶴亭

雲龍山下茅亭址天外修翎何處來一水勢從西極下
千帆遙指海門開斷蛇事業餘荒草戲馬悲歌空古臺
却憶當年蘇太守清風琴鶴共徘徊

家兄竟甫築草亭於防河公署榜曰馴鶴蓋繼放
鶴而復有此亭也

馴鶴人同放鶴才應知仕隱不相猜元裳素羽新秋唳
白石清泉一杖來林靜門前銷剝啄心閒河水有喧呶
聯床夜話知何日兄弟眉山遠溯洄

送王雪麓之鳳陽

辟疆曾共論新文結綬彈冠氣不羣為有皇華星作使
可憐青眼望中分軺星疑帶行山色桂楫猶沾大陸雲

淮甸瘡痍今未息好將民隱奏吾君

懷猶龍楊方伯時在四川

鴈羽參差歲月忙錦江秋色豈投荒
新詩定奪浣花席俠氣猶傳北海觴
可喜保釐舒化日重教婦子慶春陽
龍文千里勞歸省不信粉榆有異鄉

時令郎
赴任

和龔芝麓韻

東西南北細論文靜夜溶溶梅影紛
肅政已稱真亞相封侯終是故將軍
關心時事催黃髮入歲高吟變舊聞

虫臂鼠肝遮莫辨簷前春色正三分

奉送朱蒿菴都諫謫閩

作賦文稱大國風
犯顏敢諫古人同
路過巔嶠梅花外
話盡春燈細雨中
賸有鴻章留鎖闥
獨憐好友悵飄蓬
六朝舊事難憑弔
穩睡菰蘆江水東

薊州懷古

漁陽雄鎮帝京東
堞雉摧殘戰士空
何代荒碑依野水
幾年畫角動秋風
室家南徙安巢少
韃索東來貢路通

尤喜青蓮存勝蹟薊州美釀醉春紅

其二

形勢當年百戰收南塘事業固金甌薊門鎖鑰重關險
遼海雲帆粳稻留豈盡兜牟無義士祇因帷幄乏良籌
春原匹馬空憑弔喬木寒鴉噪古丘

喜吳修齡自崑山至

悵望東南鴈影天
竭來風度尚翩然
榻懸四載燈前鼠
夢破三秋雨後蟬
話盡襟期存海岳
書藏瓊笈託幽燕

雲卿未必烟霞侶
纁幣由來物色偏

輓四川方伯楊猶龍

當年曾共賦扶桑
為惜分飛憶遠疆
蜀道峽雲紛蠟屐
薊門邊樹滿秋霜
魚龍寂寞音書斷
杯斚流連花木香
我亦天生獨立者
感君意氣愧王陽

其二

彤廷拜舞幾徘徊
馬渡漳沱過漢臺
尺牘每詢黃髮老
笑顏不向黛眉開
病吟七發膏肓痛
思迫十年鴻鴈哀

可惜身騎箕尾去列星灼灼自昭回

猶龍不
喜近內

其三

驚傳靈樞出臨漳
妬殺曹家鬼塚旁
酒竈茶鐺嗟逝水
蘭摧玉折冷斜陽
生平奇字藏藜閣
歲月空囊笑孔方

知爾英華原不減
修文地下自翱翔

猶龍卒於河
內之清化鎮

其四

人世蜉蝣爭土苴
嗟君早逝意何如
叢臺杯酒琴音斷
大陸秋風鴈影疎
繡虎雕龍資月旦
白蘋紅蓼溯居諸

向平空有名山約破帽青衫學墮驢

其五

貝錦曾聞萋菲傷虛舟大度漫評量定軍山下三分淚
閬水城西一草堂誰復長歌來薊北獨留好句遍西羌

翩然披髮歸何處欲召巫咸訊大荒

猶龍有定軍山澆花堂詩

其六

曾於高閣細論文又向浮屠醉夕曛宣德箋舒渾似雪
鼉磯研冷迥生雲榴花紅吐閒清晝促織聲悲響壁粉

腹痛那堪頻念舊魚書滿篋總思君

見廬閣天寧寺
皆與余痛飲處

其七

海水羣飛已有年共資舟楫涉長川一朝星隕文無主
有客魂搖淚若泉玉壘錦江聞渡虎滄陽襄國泣啼鵲
且亭他日求遺稿大復空同孰後先

其八

友道於今嘆逝波人情反覆有干戈朱顏自向朱門老
白首誰盟白水歌雙鶴伶仃驅校道十年風雨渡滹沱

伯巖諸子俱蘭臭獨往空山涕泣多

其九

咄咄誰將浩氣收天涯悵望一登樓
人同宋玉秋多病才比相如困宦遊
嶼舫齋前真唱和且亭花下舊風流
也知生死成虛誕為爾傷心淚不休

其十

間從客帳夢封侯晉水巴山百尺樓
到處青樽陪竹杖幾年明月照牀頭
高才世共推三絕奇數今當賦四愁

幸有遺編追李杜可知香辦儘人修

十一

洗盡羣言續雅宗少陵北地自雍容一生尊信惟歸此
餘子紛紛安所從梁苑賦成春雪調并州心憶景陽鐘
窓中煙氣蓬蓬出白玉樓高記幾重

十二

問字寧甘學子雲關西伯起更超羣瀨邊吟徹霜鐘夜
醉後揮餘白練裙幾處孤寒齊下淚一時星宿掩高雯

可憐鉅鹿南山畔大鳥重來馬鬣墳

坦園李老年兄招飲西軒少傅衛聞石先生有咏

次韻奉和

窈窕軒楹傍柳開飛塵不到有蓬萊登臺舒嘯青雲入
憑檻尋花錦石堆名酒偏宜同月賞玉人時見戴星回
他年仍約耆英會莫向昆明問劫灰

和李君渥親家

懷抱誰為磊落人君家游宦重衡鈞彭城未止安瀾頌

濟上弘開輸輓勲胸有俊才應過我筆無塵氣可超倫
諸公莫羨登臺省主契由來晚倍新

送葉眉初之任貴州司理

將行頻酌碧香醪風雨燕山念子勞國本羅施人貌異
川連銅鼓瘴雲高祥刑漸可敷文教闢地於今重鎧曹
神駿何須愁伏櫪天涯欣遇九方臯

咏雲峯高公闔門殉節

陽九重逢不可邀闔門殉節義聲昭蓋棺自許攀軒鼎

抱燭同時化鹿蕉野水幾灣環塚木荒碑數點伴山樵
惟應直筆存青史碧血萇弘恨未銷

丙午八月請告歸里縉紳先生送我於國門之外
者車馬數百日暮乃得南行

桑乾水遶帝城西雨歇新秋古樹齊檀板輕敲分祖帳
兕觥傳舞列長堤由來燕趙多慷慨况是田疇正淪淪
日莫楊鞭驚野鳥雲山此去好扳躋

寄饒送諸公

檐車暫住古橋頭雨霽風疎好逗留豈有文章華上國
何來膠漆盡名流燕山八月鳴賓鴈上谷三秋起綠疇
自幸時平歸故國千山紅樹漫吟謳

懷闕

投筆戎軒慷慨同封章每奏未央宮鷄鳴待漏霜華下
鵠立懸囊日影中萬國梯航重譯遠五湖煙水一帆通
君恩寵錫何由報瞻戀楓宸紫氣叢

至真定

駒隙流光十六年重來正是晚秋天籬邊黃菊英新吐
檻外青山色舊妍事業豈堪追丙魏文章空自慕雲淵
相逢盡說秋成好贏得高齋一晏眠

至里

畫錦人稱是壯遊歐陽作記美韓侯十年漫走東華道
一日相逢野水頭誰識邯鄲全是夢應知歡伯可銷愁
半簾明月梅花被不羨蓬壺海上洲

五代史梁晉戰栢
鄉拒野河之工

奉送增美劉年兄祭告泰嶽東海

門第中朝孰與同文章侍從繼宗工鳳麟自許清時瑞
海代今觀大國風玉檢金泥雲氣出方壺圓嶠屢樓通
行行漸與東華近仙仗悠悠護玉驄

送簡文選督學江南

使節初開說范陽天書遙拜紫薇郎橫江萬里秋天鴈
孤月千山夜杵霜驛路幾迴縈鐵甕松杉依舊繞銅梁
太平文物推南國會看金魚賜建章

送譚舟石赴榆林

五原秋色近如何
疋馬西從天外過
瑪瑙谷邊烟火少
鴛鴦湖上雪霜多
囊攜珠玉才難比
匣有干將髮未皤
莫嘆短衣勞跋涉
知君指日貴鳴珂

贈賁之抱甕園

垂柳當年手自栽
每逢佳興幾徘徊
青山近矣何曾厭
明月依然莫浪猜
粗糲炊成野老飯
松醪飲盡葛天懷
不知人世興亡事
一曲長歌酒百杯

贈臨城喬百一

數年不見已成翁走遍天涯還是窮欲典青山為活計
幸留明月照寒空春花簇簇開芳甸好鳥關關嘒晚風
速築糟丘吾欲老與君共醉落霞中

丙辰仲秋輓潮陽大守麗榆叔不受偽職病故

垂髫憶赴城南館壯歲功名亦未遲嶺外徭人迎竹馬
江千名士篆豐碑吞虵欲效蘇卿節奪笏還同秀實思
萬里檣車何日返潮陽烽火不勝悲

夜飲北玉齋兼寄田髯淵

談心不覺斗參橫
夜氣淒涼劍欲鳴
海內文章誰尚在
中原聲氣爾多情
名山盡閱書盈篋
北海常開酒滿觥
聞說荆南摧戰壘
降旗先豎岳陽城

和梁敷五戊午除夕

冥心趺坐一蒲團
高度于闐雙玉盤
甘橘分時無內熱
河冰泮後解春寒
袖長婢老猶能舞
歲儉羹蔬獨喜餐
雲物晴和新氣象
鏡湖深淺任投竿

又和己未元夜

青青幾點入花條。火樹崢嶸盡一宵。且慶人烟喧里巷。
忽思天仗隔雲霄。歌殘燈下傾春釀。藥寄山中憶老樵。
同樂寧知今古異。太平指日頌熙朝。

送堵乾三歸無錫

為許知交仗劍遊。堯墟歷歷見平丘。鄉思常憶仲由米。
旅食時登王粲樓。上苑文章甘小試。五陵裘馬若浮沤。
東南水旱頻年甚。路過邗江起暮愁。

僕人王棟壬子春南遊武當山

嗟爾猶知遊太和蕭蕭行李半肩多傳聞此地生靈藥
安得移栽學橐駝九點齊州同蟻垤一爐金鼎鎮雲窩
歸來好買春籐杖拄遍名山問薜蘿

坐忘

世味年來已遍嘗不如道味足清涼槐陰密轉鄰鷄報
書卷拋殘午夢長雨灑平原山有色風吹小院竹生香
非仙非佛聊稱我數息深深學坐忘

壽通許令弟倫叔

司馬家聲舊有名烏臺閱閱再崢嶸愛民政自成三異
禮士學應續五更長至春回梅欲吐琴堂月照鶴隨行
應知父老懷棠蔭祝頌南山壽愷情

奉和孔心一公祖詠宋子飛只可山房

只可先生自譜年杖藜健步似飛仙共傾竹葉何辭醉
獨玩南華不肯眠題塔一時誇啖餅着鞭此日許歸田
山陰訪戴何由棹隔斷桃源別一川

其二

只可先生自譜年鎔金就範磨甗堅堂延羊仲兼求仲
酒賞春泉並惠泉宦迹猶如鴻爪雪文名不讓馬蹄篇
入山辟穀誠多事偏愛長安市上眠

其三

只可先生自譜年文章歷落古今篇隨征膝下披金甲
獻策彤廷躍玉鞭循吏有名人頌母醉鄉占籍酒如泉
鄣南有友遙相憶千里春風啼杜鵑

其四

只可先生自譜年每聞矍鑠未華顛曾酣碣石燕昭館
閱盡蒼梧虞帝烟一曲深林留好友半牀明月對瑤編
已知富貴浮雲外且喜芝蘭玉樹前

奉和龐雪崖詞林見詢

百年風物未蕭疎三徑蓬蒿掩敝廬老眼倦看花一放
室人每嘆食無餘孤城畫角驚愁旅潭水柴門問卜居
霸越平陳空夢蹟危樓高度讀殘書

楊子元授中書舍人

且亭不見念餘年玉樹臨風允象賢初入西清學珥筆
已空北冀著先鞭白劉唐代篇章勝楊魏熙朝唱和連
屬望鳳凰池上客桂花宮裡有閒田

奉輓荆石蔡年姪寔

英英國器今何往埋玉山阿誰與鄰幸有箕裘付令子
終遺壘恥念慈親蘭臺家世聲聞遠憲臬風猷蔭樾新
却憶燕都問字日蕭蕭泣水泣斯人

輓馮子韶

天生傲骨氣千尋中歲歸來高隱心
半榻松風餘鳥跡
一簾月影散花陰
桐鄉遺愛人爭祀
清節東籬菊尚森
執紼未能空悵望
蕭蕭夜雨一燈深

奉輓閩督觀公范老世兄盡節和少司農環溪魏年

翁原韻

戊午

從死田橫止俠烈相隨
范子盡貞臣人倫天道心常炯
取義成仁願已伸
螺女江邊魂化鶴
釣龍臺上血飛燐
鄔南憑弔空垂淚
畫壁遺言痛鬼神

觀公被羈有
畫壁遺稿

贈張元裕

方伯鳬盟相繼死疎蕪張子鬢如皤
酬詩常覺篇章富
對酒偏生感慨多
草屋汶南勤葺補
柴車鄣上屢經過
即今詔旨徵才士
誰識先生獨寤歌

丁巳正月念五日馮公述邀飲於友竹齋

閉門謝客疎慵久
忽入城南訪故人
羽檄已驚三載夢
烟霞又覺一年新
清泉白石盟初志
尊酒隻鷄隔世塵
更欲論文聯社會
添修茅屋對松筠

丁巳九日登馬鞍山是日有家兄竟甫兒勸同友
人李聖之白見先

遠山猶是舊時妍攜手同登興杳然雲物自來還自去
秋霖為浦復為川兵戈未息常驅馬霜露頻飛尚有蟬
喜得與君扳痛飲何妨酩酊即高眠

丁巳十月輓申鳧盟

少微星暗閉山樊故友相看哭寢門丘壑一生甘寂寞
圖書數卷擷蘭蓀擬將摩詰應難比失却襄陽誰與言

步出槐濱聊悵望
水流花謝鴈聲繁

其二

徵書遠避白雲廬
點檢生平得自如
共飲草堂忘歲月
自開花徑狎樵漁
茂陵遺稿無封禪
安樂行春用小車
天上緋衣何太急
卽山谿水氣蕭疎

元昭鄧太史契濶久矣
每承憶念縞帶紵衣之雅
情同僑札兒勦過江拜之床下
適館授粲慙慙
無已愧乏瓊報書懷以寄

鴈行數陣橫秋旻意氣相看晚倍親
萬竹園中懷舊好千金渠畔老間身
曾期世外陶弘景共許巖耕鄭子真
安得扁舟過北固與君登眺結芳隣

和張元裕

亡羊岐路世多迷夢破邯鄲醒後題
大石橋邊月自照蕭王廟裏鳥空啼
叅禪已覺鏡中老鍊氣難回曦御低
張緒風流仍未減何時握手水亭西

辛酉初春偶思閒中之樂遂成八律

選三首

萬金難買此身閒
檢點詩篇手自刪
麟閣浮名空自好
蓬萊仙仗不須攀
靜知荏苒光陰易
老覺形容童少艱
傀儡滿前誇線索
息心誰肯下松關

其二


萬金難買此身閒
遙憶從前百事艱
映雪囊螢十載苦
衝寒冒雨五更班
肯將富貴如沙礫
豈視民生若草菅
酒史續成真樂地
傾壺自可駐顏顏

其三

萬金難買此身閒
弔古無庸涕淚潛
禪讓征誅皆故迹
王侯將相幾多班
靜聽林杪花間鳥
時看牆頭屋外山
兒誦詩書婦解織
先生怎不破愁顏

贈晉州郭父母

保障依然古晉陽
細侯竹馬擁成行
仁風播作秋風洽
惠澤流如雨澤長
叔度重聞歌五袴
召公再見誦甘棠
御屏應已書名姓
渤海朝歌足比量



兼濟堂文集卷二十